

直隸叙永廳志卷十八

風俗志

直隸叙永廳 轄一縣

士習 遵文教守禮法 叙州府舊志

民風 漢夷雜處務實尚樸 廳志 人民渾樸崇禮

尚淳 衛志

農事 原田水煖大約以驚蟄節播種立秋可穫

山田水冷收種較遲旱地耑種雜糧尤資民食

商賈 舟楫可通百貨頗聚

直隸叙永廳志

卷六

風俗

冠禮 俗於娶婦之前筮日筮賓行加冠禮始命

以字

婚禮 先請三媒說合既允曰放口以婚期告女

家曰送期婚前二三日宴客曰看盒男家以衣

飾往聘女家送粧奩陳設婿室曰過禮至期親

迎而歸曰進門三日廟見曰拜三猶存古者問

名納采納吉納徵親迎之遺意云

喪禮 稱家有無或五七日即葬或踰月始葬凡

送訃成服開弔家奠題主遷柩諸儀文俱遵朱





子家禮

祭禮 每以三牲餽饌爲常用羊豕爲重敬神各有會期先祖以歲朝清明十月朔祭於墓中元除夕及忌日祭於家

夷情 廳屬巖梯水潦兩處地方舊隸土目遺有猓獠猓子苗子三種夷民自康熙二年奉行清丈後與齊民一例輸賦當差但其習俗不同畧登於左

猓獠奢會遺種素性強悍以山猪皮爲盔甲長

直隸叙永廳志

卷六

風俗

二

矛藥弩環刀爲器械久已追燬舊隸頭目分管頭目住居瓦房衣冠俱遵今式餘皆草屋多傍高山深林以便樵採畜牧男以青布纏頭着青藍大布長衣冬則披毡赤脚間有穿鞋者婦挽髮盤頭裹以紬布耳貫雙環着青藍大領衣繫綠藍長裙幼女披髮長分雙辮以耕種爲業四時最重端午新年定以三十日爲一月十月滿謂之小年元旦謂之大年婚嫁男家以牛馬猪羊作聘女家以人陪送凡事刻木爲信近有認



識漢字者喪服白衣葬擇高處圈石火化掩土  
不理疾病或服草藥或蠻巫跳神遇事故則看  
蠻書接雞骨排米粒亦依甲子推算吉凶然別  
有其術口角爭競負者以猪酒修好人命由頭  
目議賠人畜或償銀錢每一人口定價銀三十  
兩而馬價不一舊有人賤馬貴之說今則統歸  
地方官審斷夷風漸革矣

獬子性多狡詐或佃耕或漁獵每於高山深溝  
結草屋而居佃耕者按年納租見地主以磕頭

血隸叙永廳志

卷六

風俗

三

爲敬男頭包白布身穿青藍布衣脚穿皮履富  
者亦置袍帽婦女已嫁者攏髮纏布如小笠狀  
耳貫大環未嫁者散髮無環俗以相悅爲婚先  
須女家請媒說合男家以牛馬羊布銀錢爲聘  
隨於沿路置酒迎娶以歸有事故以米粒推算  
病不服藥用獬巫跳神喪服披麻殮以板片鬼  
司超度掘坎埋之亦以刻木爲信云

苗子種類不一性蠢膽怯佃地耕種就所佃地  
結草屋而居男或辮髮或纏頭上包花布尺許



身着花衣短褲脚穿木履婦挽髮作高髻染紅  
黑毛線纏之綴以小貝富者大耳環如鈎大角  
簪如盃以爲美觀着花衣繫百摺花裙法以蠟  
繪布染後去蠟則空白處皆花紋極爲細緻亦  
有以五色絨線挑成者謂之苗錦或赤脚或穿  
鞋脚纏有長至數丈者每於正月初旬椎牛醮  
酒約會高阜名曰踩山夜聚曰跳月未婚嫁者  
男吹蘆笙女彈口琴彼此對歌相悅則引帶爲  
婚然後兩家再議財禮喪用布疋裹尸入棺必  
合甲子乃葬東向橫埋弔用酒飯或犬豕兼有  
打歪足跳鬼者子孫病用草莖米粒推算或疑  
葬之不吉輒行遷葬大都以巫爲醫以牛爲藥  
近亦買田產易衣冠認識漢字大變夷俗焉

村市賽會

正月初九日

上九會自初五起紅巖山玉皇觀遠近進香者絡  
繹不絕

十五日



上元燈會自初八日起各街豎立燈竿燈少者九  
盞多者三十三盞望之纍如貫珠下搭燈棚簫  
鼓喧闐遊人如蟻十二至十五夜加以龍燈所  
過處爭放梨花紙爆以多爲勝鄉村亦有燈竿  
或以竹架掛燈焉

二月初三日

梓潼會自初一起紳士於文昌廟慶祝餘各  
有會迎神就首事家敬獻

十五日

直隸叙永廳志

卷六

風俗

五

太上會

十七日

聖會孔子忌日合庠致祭

三月二十八日

倉聖會

四月初八日

太子會是日浴佛

五月十三日

城隍會自初一起



十三日

關帝會

六月

田祖會自初一日至初六日各鄉祭賽猶存古風  
二十六日

川主會

七月十五日

中元會 孟蘭會

八月二十七日

直隸叙永廳志

卷六

風俗

六

聖會孔子誕日合庠致祭

九月初九日

九皇會自初一起斗姥閣建會

十月十五日

下元會

十一月十九日

太陽會

又季春前後鄉城各建清醮會以驅瘟疫以弭  
火災裝彩神船沿門掃蕩猶古之儺禮也



鄉飲附

國朝

大賓 胡永昌

僕賓 柳文英

介賓 石萃瑛

衆賓 黃綱

乾隆九年同知杜樞舉行

大賓 陳匡國

僕賓 梁維顯

直隸叙永廳志

卷六

鄉飲

七

介賓 傅泰

衆賓 左維輔

乾隆三十八年護同知范楠舉 四十年同知

劉組曾行